

聖宋名賢五百家播芳大全支粹卷六十一

青詞

聖節

生辰

福寧殿啓建壽聖節道場青詞

王政公

畫堂發慶適紀誕辰祕殿祈祥載敷妙式止高靈之下墮監精素之上通永佑函生大延景祚

太清宫啓建壽聖節道場青詞

歲籥更端陰華生朏興言震夙之日實擁神靈之休爰即真祠其敷冲式冀上穹之默監錫邦祚之不陞

上清觀啓建天寧節設醮青詞

草芥雖微皆出乾坤之造君親有慶共殫臣子之誠屬誕聖之昌期竭籲天之至懼筵張邃宇像設殊庭冀回赫之光俯察區區之意伏願顧諟明德惠綏永圖志上下以咸同時兩賜而尽若九州四海日陶有耻之風億載万年歲獻无疆之壽

福寧殿啓建天慶節道場青詞

禧動年芳華生月朏仰祥符之盛烈膺上帝之靈文載麻生嘉辰具
循先制被九重之祕宇幸士極之冲科度恢道甫之宗求介皇圖
之固

福寧殿啓建天貺節道場青詞

珍符發瑞嘉節標期披太素之琅書企紫辰之芝御伏冀密誠上
格靈貺下敷助永昌圖歸勤大道

靈釐殿滿散乾文節道場青詞

正陽之月震誕紀期洎闢殊庭以延飈仰瓊科藥笈修葺以虔伏
冀高清儲靈垂右宣德邦麻芝固与民均休仰答至二匪誠敢忘
福寧殿啓建先天節道場青詞

徂暑收辰素尚臨候稽靈源於道祖啓不祚於皇其載肅殊庭甫
虔法會欽若王神之佑永惟重器之承敢怠至精以懷真陰
靈釐殿滿散同天節道場青詞

祗紹慶圖仰繫靈顧屬恢台之布序寔誕育之紀晨爰即祕庭夙
崇法會甫畢齋修之素終蒙保右之仁

福寧殿滿散先天節道場青詞

寶系自天珍符在國適紀素尚之序夙清祕殿之筵探道緼於琅
函企真游於紫極至誠內罄冲祐長孚

萬壽觀啓建乾元節道場青詞

孫夢得

炎序開端誕辰命節惟冲人之紹歷荷靈應之紹休爰啟殊庭載
嚴淨式伏冀俯回鑒諶存錫嘉休永嘉卜世之基弥固如山之壽

福寧殿啓建天祺節道場青詞

王岐公

圓靈享佑寶命來符載承先烈之休又紀嘉辰之會夙探冲式徧
繹真文冀神造之博臨錫邦圖之永久

靈釐殿滿散同天節道場青詞

大統當天三陽表夏紀靈樞之夙照陳祕洞之重科逖欽不宰之
私默下有生之施終回冲監永祚皇休

玉隆觀啓建乾元節道場青詞

茂樹交秀董風導和當爰靈化育之初實眇質誕生之候普膺聖
護參荷真休奉春秋則廟社歆寧御遠迹則兵民保乂敢憑醮席
恭導虔誠庶資薰潔之修仰達紫清之慶洽敷順氣不冒群倫

福寧殿滿散天貺節道場青詞

祕殿集靈僊符紀節祗循綠蘊之範遐禮紫虛之游伏冀感真洞
元右德錄行陶物生之大順錫邦祚之鴻休

洞霄宮啓建乾元節道場青詞

文士頌

月旅正陽當百家之茂盛祥標誕節期万壽之穹隆式按舊章載
嚴秘殿延紫霄之飛馭誦玉笈之靈篇伏冀誠懇上通聖真垂佑
錫之多福均動植之微幽永以无疆並乾坤之悠久

福寧殿啓建先天節道場青詞

秋迎新朔節紀佳辰感靈系之肇祥止高晨而薦信瓊科按式玉
笈翻文庶法道之自然以資功於不宰俯回冲眚致右皇圖

明道觀啓建先天節道場青詞

孫夢得

暑伏畢期商秋開序稽道祖發祥之兆廼先朝紀節之辰參建清
場載循舊矩寶薰爰發真興第賡伏願精意上交大慈光照生民
饒衍廣宇太寧

福寧殿啓建先天節道場青詞

王岐公

徂暑收節涼颺應辰稽道祖之生期啓皇圖之永祚有嚴邃宇式
按冲科揚維大寶之承欽若上靈之睠敢忘顛慄以嚮順祥

福寧殿滿散先天節道場青詞

寶系發祥真符告祚肇素燁之凝候即秘殿以陳科集供清場致
精道果期九真之迪蔭保百世之延洪仰荅顧懷敢忘顛慄

福寧殿滿散天祺節道場青詞

太象開先必根於元造寶文騰瑞載紀於嘉辰按參聖之舊章
高晨之列御終祚明烈永孚順釐

福寧殿滿散天貺節道場青詞

上靈顧德早錫於休符季夏協辰載臨於嘉節神謀燕後寶曆止垂
鴻益嚴三景之科遙峙九閔之御幾崇妙蘊仰契真風

靈齋殿啟建皇太后生辰靈寶道場青詞

良月戒寒純坤宅厚紀慈闈之誕序會聖曆之嘉辰前被殊庭具
敷靈式庶演具風之妙永同皇祚之休

靈齋殿滿散皇太后生辰道場青詞

尊復皇圖孝申母養屬商飈之御氣紀沙麓之開祥夙採秘洞之
科屢指列真之御庶資道妙不錫時休

觀文殿滿散皇太后生辰道場青詞

冬筭導寒應就盈之良月母闈鍾慶紀載誕之休辰敞別殿之清
場研上清之妙教庶續慈齡之茂永均皇曆之昌

本命

奉元殿啟建皇帝本命道場青詞

正陽紀月元命屆辰仰扣清都恭開靖會奉靈筭而參講集芳品
以具陳伏冀昉嚮儲精希微降鑿垂在天之仙蔭祚下世之皇基

鴻慶宮啟建皇帝本命道場青詞

別都之奧皇運啟基作為靈宮館寓眾聖顧循躬質嗣撫休期屬
歲律之乘秋推命元之協日載嚴道式不迂純整

慶寧宮啟建皇帝本命道場青詞

猥以涼德獲承至尊顧慶寧之新宮實明兩之舊邸肆惟不命之
發式是群靈之扶歸命高真資閔妙蔭

壽星觀啟建皇帝本命道場青詞

四時回復方化風氣抵荷寶圖聿臨元命仙廷之闕列御所棲仰
薦精衷庶回道蔭

萬壽觀啟建皇帝本命道場青詞

日晏端幹農場畢登眷惟令辰將及元命潔修道會寅啓仙都異
霄極之鑒觀祈聖真之綏佑誕清寓縣豐庶生靈

會真宮啟建皇帝本命道場青詞

涵象紫虛實統本生之氣祕言丹錄蓋司定命之文考日道祥按
科嚴供被殊庭之中遂佇靈駕之下虞留監精明輔延昌熾嗣安
不運永嚮真風

崇福觀啓建皇帝本命道場青詞

承天之序享國之安適臨元命之期仰懷乾坤之蔭延真秘宇按
式清壇設遐福於太清保皇圖於永祚

太一宮啓建皇帝本命靈寶道場青詞

惕惟眇躬欽被景歷大時播氣元命履辰適臨炎籥之中預啟珍
臺之會瞻玉晨之絕致迎郊御之下遊願監忱思孚垂惠蔭

建隆觀啓建皇帝本命道場青詞

首春開序元命屆辰爰校殊庭俾陳勝會賈賡揚於妙善祈仰格
於高直密諒東懷交敷戩穀寶圖不固仙蔭永依

崇禧觀啓建皇帝本命道場青詞

大火臨墟實肇基於王業群飈泊館爰系迹於真風顧蒙寄於不

圖荐推辰於始命往即殊庭之夕甚且元洞之科精志所孚皇休是祚

鴻慶宮啓建皇帝本命道場青詞

九清右下陰扶皇祚之延六氣旋中環次命元之紀肅依道宇明
按真科敢薦誠忱庶迎福順

明道觀啓建皇帝本命道場青詞

天心不應肇新邦統之承月律再移旋次命元之紀遯瞻祕館素
宅靈區載陳瑤席之芳具繹琅書之緼伏冀飈游格馭斗籍著符
終繫覆露之仁永保熾昌之祚

延祥觀啓建太皇太后本命道場青詞

尊獲皇基孝形縣宇方極祖慈之養存臨元命之辰按靈步於行
棊演冲科於祕館庶誠忱之上格錫壽祉之不延

慶寧宮啓建太皇太后本命道場青詞

淑律收華炎燁御氣驗清臺之新歷紀慈殿之元辰夙敷祕洞之
科緬念高晨之馭庶綏神右常協邦休

太一宮啓建太皇太后本命道場青詞

孝奉慈顏象尊元命載後禁楹之邃仰延真馭之游探三洞之冲利披始青之祕錄庶資道妙永介靈休

萬壽觀啓建太皇太后本命道場青詞

茂纘皇圖尊承慈壺屬陽春之季月紀元命之嘉辰爰被殊庭仰延法御庶默回於圓造用丕錫於靈釐

萬壽觀滿散太皇太后本命道場青詞

煩幄延真肅指颺游之駕珠臺按式載披寶錄之文既齋明之盡誠亦彤嚮之來顧終延妙本永薦慈休

坤寧殿啓建太皇太后本命道場青詞

荷天休命嗣國不基孝承祖養之慈時及命元之紀企列真於上極宗衆妙之高風庶默下於靈觀用蕃膺於冲

奉元殿啓建皇太后本命道場青詞

母儀正位極致養於孝誠神造主生推發祥於元命屬上冬之吉

序敷三洞之靈科庶集冲釐均休皇祚

太一宮啓建皇太后本命道場青詞

孝尊長樂序戒元辰禁館敷筵僊函發錄伏真上真垂祐寶祚均長敢薦信於靈觀永希風於道甫

慶寧宮啓建皇太后本命道場青詞

慈闈致養方率孝於群倫寶律薦時載推及於元命即列真之邃宇研諸妙之靈文庶歸蔭於道風益均祥於皇祚

西太一宮啓建皇太后本命道場青詞

長信奉親必極天下之養元辰本歷載當冬仲之期緬欽不宰之私默系有生之命延拜禱之上侶按瓊科之妙儀庶閱道於真風益輔祥於永祚

國家祈禱 祭祀 金龍玉簡

南郊預告道場青詞

宋 子京

祇嗣慶基六季禋燎幸万物之時又間四方之少虞三歲于茲舊

章可述已圖嚴配前喻收司外竭馨嘉中率虔華庶申昭事式啓
蕃禧

南郊預告道場青詞

比卜天正躬煬帝燎百神來職万乘戒期惟大事之方勤勵精衷
而有恪特蠲嚴室敷迪齋科暨諷琅音上祈聖佑幸鴻儀之克展
挾黎獻之大和敢忘日修仰酬天薦

南郊預告道場青詞

焉誠吉土拜祝上天率三載以為常普四方而助職幸邦治定加
歲順成異歲上儀仰浮不壽已丁寧於先甲俾疏淪於群心蠲奉
有加須求无擾仰惟真鑒垂慈至虔

南郊禮畢道場青詞

天燎告成帝暉臨享自六飛之出次逮百執之解嚴氛霧廓除宵
晨澄潤美光充塞協氣臻翔荷衆聖之顧存集中區之昭泰是用
被蠲祕宇啓設直場召敬服之列官絢瓊函之奧蘊庶緣報礼祗
女只純休威咫尺不違景游垂鑒

明堂預告道場青詞

蘇 子由

嗣守丕業于今四年躬祀總章方期再見講魯之舊當先事于泮
宮稽國之常亦預祈於中禁祓除秘殿祗俟真游降福儲祥望璇
霄而非遠奉珪奠幣興釐事之有成

明堂禮畢道場青詞

汪 彥章

比講嚴裡用昭美報荷三靈之降鑒致百礼之備成敢修秘笈之
儀用企叢霄之馭庶扶景祚求格殊休

明堂禮畢道場青詞

蘇 子由

因聽政之當修響帝之祀陟配文考大賚四方礼成不為神祝昭
荅念非寡德之致願依妙道之餘祗祓禁塗遠迎真馭誠心上達
微供獲陳

給饗預生呈月詞

歐陽 永叔

宗廟之嚴給宗為重乃卜孟冬之吉躬修合食之儀仰企上靈冥

孚陰佑俾克成於盛禮奠永錫於純禧式展孝思用膺神祝

拾鄉食預呈呈月詞

宋 子京

裸玉奠芳徧躋於左廟星旄燭景遂集於陽郊客全清都回經馳道式車示謹罷蹕戒喧方祇燎於天柴聿除精於慢省仰祈真瘥助畢鴻儀

廟祭預告呈月詞

今者屬圖茲祝先見高真叩寶宇之靖嚴滌瑤觴而伏獻春惟祕宇夙奉慈闈顧莫咎之難兼委薦紳而攝告靈游无隔精意幸昭茲者躬欵殊庭祗見真祖茂瞻玉理進拔霞觴眷惟慈寢之嚴夙厚慶源之蔭已詔職事攝奉舊章願委餘禧以光降昨

四瀆投送金龍玉簡青詞

孫 仲益

妙道希夷實司於化育名區遂觀允宅於真靈向因文考之諱及仍屬華年之首序肅延淨侶祗被清場秘縑交敷冲科並講俾造投於信簡庸庶示於虔誠伏冀順擁祥釐均消侵殄狹于廣宇綏此羣生

茅山金山投送金龍玉簡青詞

王岐公

神畿之輿坂館凌虛道祖之靈羅圖系慶比按三清之式爰敷九曜之筵薦玉景之高聞達龍淵之至信永孚妙蔭下錫丕祥

金山水府投送金龍玉簡青詞

祥開誕序會集仙科秘府溁淵式通妙章行龍傳簡庸達信章緬企真風益孚靈監

玉京洞金華洞投送金龍玉簡青詞

至妙者道之宗无私者天之聽維時暮春之序載被禁庭之嚴寶籙披函飈游下席既格衷於靈監旋錫祉於皇圖瑤簡傳龍以將至信

金山水府投送金龍玉簡青詞

南有靈淵下溁秘府屬上都之敞會按三洞以成科載判瑤簡之文用致金龍之信庶孚冲監永祚純休

張公洞投送金龍玉簡青詞

太極涵元上真疑化顧纂圖於皇序期斂福於群生啟景曾虛按
科靈宇逮清壇之已事託寶信以馳誠庶格齋顯用孚眷佑

河陽濟瀆北海水府投送金龍玉簡青詞

地控靈區淵臨遠府肅陳醮席欽牙颺游藻爰披文式遵冲範金
龍傳簡庸達信章緬企真風昭垂厚蔭

四瀆水府投送金龍玉簡青詞

紫極涵元宰群生於下土珍臺寓聖演真教於上都遐瞻洞府之
嚴素宅神靈之粹式將秘簡以傳行龍維誠信於所交諒幽通之
靡隔

四瀆北海水府投送金龍玉簡青詞

氣明薰序神發誕符解秘館之冲科集紫虛之上果遐企列真之
御俯臨靈委之淵達編玉之鏤章傳行龍之關信庶孚情悃丕錫
蕃祺

金山水府投送金龍玉簡

靈淵徹洞本為仙府之居信簡傳龍蓋奉道家之範屬上郡之演
教瞻秘境以投誠庶格冲觀俯垂妙蔭

集禧觀啟建年交金錄道場青詞

運溥星回歲陰垂暮氣華物始春籥行新顧承大統之休夙被三
靈之蔭念薦更於順序思歸謝於元功前被殊庭按陳法席遙佇
飛颿之駕下歆甘露之羞

萬壽觀啟建年交金錄道場青詞

四氣播時屬年陰之終紀二期啟朔方物始之乘春睽眇德之承
基思泰和之蒙宇預敬真廷之會大陳寶錄之科庶履歲元溥綏
邦祉

醴泉觀啟建年交金錄道場青詞

天回星紀物動年華驅積洽於故陰導泰和於首序講有冲式布
于靈場仰至監之博臨錫庶生之不茂

福寧殿啟建正旦祈福道場青詞

歐陽 永叔

四時成歲嘉庶彙之咸新百福自天荷衆真之冥貺俾開靈囿恭
講仙科恢寶祚之延長錫壽康之遐求是惟降鑒首乃克誠

太一宮啟建正旦祈福道場青詞

真遊颺歛秘殿遂嚴惟首月之正時叶新陽而布慶俾陳法供仰
薦明誠伏異敷佑眇躬保千齡而永固躋民壽域均万国以同休

洞霄宮啟建立春祈福道場青詞

和曆發春蒼神受職肇生万寶平馭九農瞻惟岳靈分奠坤載乘
熙春之啓序肆華醮以迎釐披緼祈真潔薰攘薦庶緣順貺有
庇群元

崇禧觀啟建上元祈福道場青詞

宋 子京

月御分天適紀寅杓之半仙圖校福並會紫都之嚴祇奉靈辰普
修清紀分遣有位即禱殊庭竚歛駕於鴻濛介純祺之彤璽所異
蚩蚩億姓蠢蠢群生百靈聖跡茂靈聖交遂永隆淳濯仰奉高明

萬壽觀啟建上元祈福道場青詞

歐陽 永叔

万物熙春肇新陽於首歲三元紀序標令節於真經爰即靈場俾
遵祕式薦雖陳於菲薄誠已達於精明伏願穹昊垂休紫清降鑒
邦家錫慶永叶於泰寧民物遂生並臻於和樂

醴泉觀啟建保夏道場青詞

元氣斡旋時維炎序珍臺嚴邃宅于僊游披藥笈之冲篇被靈壇
之芳薦仰控紫閣之監異調玉燭之和

崇福觀啟建中元祈福道場青詞

宋 子京

秋籥去初月靈茲望仙真普會校錄素嚴深詔啟司秩修常典分
就殊庭之祕肅陳芳獻之華諷譯內音振除群累拂塵爲悟濟苦
而歡仰高極之喜慈坂有生之護貸顧臨蠲潔開佑福祥真德蒙
安齋誠敢替

福寧殿啟建中元祈福道場青詞

肇秋之辰既望之夕候仙都之校籍即秘館以敷筵夙稽三洞之科

緬竚九清之駕

奉親廣孝二殿啓建中元祈福道場青詞

方秋之初維月既望將登年於素律適校籍於丹臺夙採靈科仰
要冲顧庶恢風於妙有益助福於遐升

萬壽觀啓建下元祈福道場青詞

毛伯穎

良月望舒當大冬之含育下元校錄屬群聖之會同仰憑陰騭之
慈輒備禱祈之禮吉蠲壇席稽按科儀延飈歛於紫清罄悃誠於
丹素伏願真靈孚佑慈寶鑒臨崇降嘉祥袪除災癘並竭精純之
守仰酬洪覆之恩

景星宮啓建下元祈福道場青詞

時屬初寒月臨既望方仙都之校籍仰真館以陳科下垂圓監之
臨不錫涵生之又仰依妙用終竭至忱

太一宮啓建下元祈福道場青詞

珍臺寓席延上極之列真寶律還陰屬下元之佳節集羽侶之淨

侶釋瓊笈之冲科庶格靈觀用均邦祉

後苑祈皇嗣保安道場青詞

歐陽永叔

廟社降祥宮庭叶慶載蠲吉旦交薦明誠期仰格於清真俾敷延
於祉福永昌期祚遐企靈佐

福寧殿祈皇嗣催生保慶道場青詞

直學降慶方垂祐於邦家弥月告期用薦誠於科錄冀衆真之昭
鑒臻百順以儲休

後苑催生保慶道場青詞

正陽旅月載育開祥式因靈守之嚴交薦精衷之潔虔望衆真之貺
敷昭百順之休永祚皇圖實希道蔭

禁苑催生保慶道場青詞

宋子京

恭念以眇之身奉丕之祚祈天錫美嗣歷无疆顧此嬪帷就
安乳館永言吳夙庇宗祧敢通醮於慈示宸願委慈於祺鞠克生而
育俾熾而昌馨露至誠仰須祺祉

後苑催生保慶道場青詞

誕弥叶慶其素修誠嚴秘殿於靈宮誦真文於葉簡通此於分之薦被其災害之虞仰与昭回不符監佑

後苑催生保慶道場青詞

吉日迎祥靈謀叶慶愛即清真之宇虔修科式之催異被滌於害灾俾敷昭於福應載昌儲慶永佑基圖

後苑催生保慶道場青詞

祠 叶應弥月告祥雨依科錄以薦誠仰冀照臨之降監錫之祉福佑以休寧惟集慶於邦家永延鴻於基緒

後苑祈皇嗣道場青詞

聖真所居靈感斯集屬擁休於廟社將儲慶於宮庭生聚仰禧幅負翹庇載馳使命恭扣清都誠款罄伸宝香交馥伏願神威溥護法力扶迁朱帝講儀早繼斯皇之詠瑞曦騰耀益隆久照之期言念虔詞不勝企禱

集禧殿禳謝火星道場青詞

汪 彦章

統輯群元懼德莫勝於厥付導迎休應惟真由赴於所祈茲緣駘蕩之辰懼有鬱攸之沴敢延冲力俯降靈場之馮敷祐之仁永享平安之慶

福寧殿啓建禳謝彗星道場青詞

上帝聽迓每示民以灾祥一人保圖必畏天之威命乃妖文著於營室戾氣麻於金方切循灾變之繇實致瑣涼之懼用按科於秘殿方謁款於高穹庶蒙降鑒之私以返在躔之象

福寧殿滿散禳謝彗星道場青詞

太史占文西躔尔變顧天衷之靡測省邦各之所從内格至精仰孚靈監忽妖芒之澄象致順氣之疑休益勵菲思庶符元祐

紫宸殿醮禳星交道場青詞

猥荷不圖存鍾否運每夤恭而事帝懼灾殄之及民廼者時厲杪秋星違常度念謹告曾无於虚是必咎愆有瀆於升聞夙夜靡遑

於形俱場即名山之勝境修大洞之明科仰冀真遊俯回靈鑒亟垂銷去之福永啓繫隆之期

太一宮為民禳災天皇九曜道場青詞

天聽之卑默下灾祥之告君應以德敏如影響音之隨比春律之向闡乃星躔之示變爰被華林之會仰延歛駕之游至枕格于靈觀順象澄于宵晷益懷修省之懼庶天皇臨之私

太一宮啓建祈福道場青詞

蘇東坡

臣以冲眇嗣承列聖之休濟于艱難實賴文母之德臨蒞四載勤勞百為畏天之威未嘗終日而豫忘視民如子惟恐一夫之困窮伏願上帝降祥衆真垂祐消穰灾殄永底壽康恭陳寶錄之科仰扣神游之館敢祈昭鑒上察孝心

聖宋名賢五百家播芳大全文粹卷六十一

聖宋名賢五百家播芳大全文粹卷六十二

本命

本命日祈禱設醮青詞

趙大

遭世盛隆母子荷非常之眷疏封優渥婦姑蒙不泯之恩尚於壽康家克臻於平泰雖賴君親之祉實憑造化之私屬元命之御辰當季冬之紀候備陳妙供肅建靈場庶昭格於璿霄許默延於麟馭伏願上穹垂祐列聖鑒衷回曲照於桑榆矜至情於螻蟻洗心奉道悉蠲既往之愆稽首投誠密介方來之福雲天在望肝膽不欺

本命年祈禱設醮青詞

所助者順故禍福之應靡常有感必通則天人之際何遠屬元春之新朔得本命之始年肆青壇虔敷丹悃伏念臣最爾微品陶乎大鈞出於零丁孤苦之餘備矣險阻艱難之事仰繫帝力侵被國恩曾天爵之弗脩乃勢榮之久切致君利物故常愧於食浮行

己宅心幸莫逃於日監惟歲逢庚午之肇序實自生甲子之一周
支干浹極而起元星氣循環而復始天道成於不息人生稟而又
新恭依靖館之嚴順迪雲科之秘敢言報德期以迎年伏冀上真
鑒臨列聖孚佑變而復貫既載見其賦命之辰革以鼎新願更錫
以降惠之祉

本命日祈禱設醮青詞

參稽金箓考迹琅函聞消災度厄之名知延壽益算之力敢祈聖
智洞察凡愚爰念某早歲崎嶇晚途澆泐無片善可言於帝闕無
寸長可奏於天閭借五十三已規規於閑退今八十一尤慄慄於
屯危謂非錫福於上蒼何以保身於末世重伸悃欵虔扣高真造
化涵濡願憑雨露之施衰枯優渥益操樗櫟之生意切辭繁情深
語拙

本命年祈禱設醮青詞

天運有叙六十歲而一周人心所歸五千言之大典惟此歲辰之
歲實爲本命之年數之所窮理有必反不勝恐懼敬用祈禱祇按
舊章修陳薄禮惟衆真之厚眷下顧弊廬假青章之微詞仰陳危
懇多生之罪頌以懺除百歲之年敢祈陰錫道心浚發妙行具修
疾癘不侵善祥來集誓依真教以畢餘生溥及群情同期勝福

本命日祈禱設醮青詞

陳元應

大緣廣覆監觀靡忽於細微至道難名讚仰莫窮於幽遠爰忱誠
之必至則上靈之可通况不言而信已乎故无私而奉必極時丁
獻歲日次戊辰實小臣有生之年亦君子履端之始式陳蘭醮載
誦寶書庸謝往愆率祗卑聽伏冀万靈扶善列曜降祥永嚴四域
之尊請勤夙夜庶叨五福之備聊慰老成將酬穹昊之恩誓擴精
純之愷

禳災祈福

賽謝

設醮青詞

陳安行

冀爾有生均託元功之覆復平而爲福况以龍命之新念夙運於忱

恂欲歲伸於報效更殫一意敬徹九閭伏念臣猥以人凡久塵法
從惟飲啄起居之際在照臨享育之中自再析於魚符亦粗施於
鼠技幸銛角之寢簡矧農苞之告豐火盜潛消雨暘時若所冀寬
刑於司敗敢祈還職於禁林荷大恩之不貲愧微軀之莫報弟緣
子舍啾唧未寧遂遣堂皇團樂少樂慮滿盈之挺咎賴曠蕩之流
恩是用虔集羽徒肅陳藻供庶馨香之上達獲聆嚮之交通伏望
至道鑒臨祥光輝燭旁連田里悉無愁嘆之聲燕及家庭均適平
康之願仰繫壽載俯整版依

設醮青詞

陳安行

生成所逮雖戴履之惟均疾痛而呼緊聰明之有鑒俯矜憫福
仰凶矜憐伏念臣資性甚凡技能非敏偶席明昌之運寢塵葉近
之班施重丘山報微毫髮昨丁家難不自意全既誤息而為州
復閔勞而予職愛民心在自覓忘疲躰國志堅每思殫瘁屬自
春而徂夏絲過分以挺炎筋力弗強腿髀作楚雖龜勉益殫於
夜然應酬幾弊於精神准賴天慈曲從人欲是用被消公學南
展醮筵冀四燭於祥光遂一燭於宿沴還之舊觀效趨事赴功
之勤戴此湛恩方日誓心之信

赴任保安青詞

林豈塵

升斗竊虛崗慙仰給之私稚莖登途敢望全安之賜垂休有自昭
荅是宜伏念臣得祿代耕闔門就食從遠方襁負之至賴洪造
懷之安天高而聽甚卑允謂處禱物薄而用可重式荅厓恩嚴繫
祠宮敷揚科記俯彈方寸上達圓穹斷降格於三清錫康寧於百
福獲遂養親之願益奉怡顏更堅報國之忠自求多福

赴潮任保安青詞

黃泰之

百年俯仰國陰陽造化之區千里驅馳得失憂虞之境瀝丹衷
而懇禱於洪造以誠依伏念某蒲柳微軀塵埃賤職懷茲而抱槩
敢言發策以經科下佛名經誤冠太常之第一行試吏濫分南郡
之符材薄事重取人輕具重外則曠瘠之為懼內為疾疫之是虞屬

將首於征途爰肅陳於清醮庶動高真之降密垂覆露之恩由公
及私既安且吉壽山福海資道力以弥昌瘴雨蠻煙仗皇風而一
洗

新居禳謝設醮青詞

蚤辭二浙久客兩淮梓里志歸爰適一壘之願松鄉卜隱遂諧百
堵之興自夏徂冬以夜繼日上棟下宇每勞斤斧之施天神地祇
或致方隅之擾肆涓穀旦祇款蘭場庶昭謝於万靈用導迎於多
福心巢有託幸風雨之攸除鶴髮无憂與室家而有慶誓殫一意
期禱九霄

新居禳謝設醮青詞

經營呈木之功始終十稔觸犯陰陽之禁周編八方每積憂兢莫
遑寧劇謹洎令日式授仙科諷藥笈之秘文薦蒲匏之薰供庶憑
舟楫仰屈真游赦前日之咎愆真自今之方位神人不擾稚耄以
安

考室禳謝設醮青詞

鮑欽止

天有顯德惟陰隲以相敬居人用不欽奉周旋而罔敢失幸苟安
之有自輒昭咨以告虔伏念巨粗承先業之餘未遂肯堂之念是
用往歲爰初新居非誇輪奐之工敢在風雨之蔽重念尤與於土
木豈能無矣於陰陽顛輸危懼之懷敢後皈依之請當陽和之用
事正福生之有基敬命羽流虔揚藥笈嚴蠲蝸舍攀屈巖輪仰祈
洪造之私茂以大來之慶康寧壽考少酬母氏之劬勞枝葉本根
不墜家聲之簪紱

新居禳謝設醮青詞

孫仲益

栖遑末路獨行万里之餘晚晚流年未就一壘之託爰屬歸田之
日亟從問舍之謀永悼窮猿失木之悲遂諧脫兔投林之喜所願
容膝南窻之下坐觀六十年之非寧復存心北闕之中大庇千萬
間之意誼龜視日除地疋徒疏决溝川誅鋤草莽甚虞戕害一時
昆蟲之命更懼驚觸四隅神靈之愆迺即家庭躬陳菲薦命羽衣

之勝侶誦蔡發之真文俯輸螻蟻之誠仰企雲霓之望蠲除瘴癘
膺文福祥上有天臨旁无鬼瞰俾同胞之兄弟共臻黃髮之期遂
徵福於子孫永保青氈之舊

墳庵落成禱謝設醮青詞

劉中遠

齋戒事帝推誠意以能通疾病呼天尚哀情之可憫念臣傳舊李
於詩禮窮末技於藝文縷縷一官艱難半世罪盈小己禍逮老親
荼毒不天殞絕無地念首丘而俟死尚廬墓以偷生自結茅茨僅
庇風雨興建土木濬治水泉顧茲里域之中恐犯神明之舍寒宗
冷族雖无暇室之憂穴處巢居尤有嘯梁之懼特延開士恭按仙
科不敢徵恩惟祈謝過伏望高真降鑒列聖垂慈亮以哀誠被之
道蔭俾孤臣保餘年於草野使仙人安靜寐於丘山誓堅終始之
心用報生成之德

上元祈安設醮青詞

趙德莊

都會之地民物至繁習俗之愚閭里多罪爰以三元之首率時衆
志之新伏願戶識孝慈人知忠厚五風十雨有來九苞之祥丁歲
千秋以永六龍之慶

上元祈安設醮青詞

陳丞相

天高聽卑豈凡庸之有隔意誠心正或膺蠻之可通輒瀝丹衷仰
干洪造伏念臣遭逢特異謏薄何堪四紀宦遊但亡懷而履坦貳
公忝切尚苟祿以貪榮雖量已之甚明顧乞身而已幸獲歸休于
舊里惟沉痾之在身謹擇初元肅陳清醮伏願臣一門內外兩字
康寧已超名利之途庶無後悔少遂清閑之樂尚保餘齡

為父少傅祈安設醮青詞

林宗丞

老稚宦遊每抱滿盈之戒陰陽代謝豈無消息之虞惟冀免災敢
云要福伏念臣某父臣某年垂七十位亞三公辛勤白晝之起家
龜勉丹衷之報國幸一門內外切瘼稍者十餘人念累歲晨昏望
江濡於數千里懼愆尤之倚伏適星宿之推移敢因月正之上元
厲值日辰之先甲謹延道侶為扣高真輒紆醮設之微誠寧有祈

襮之私意情惟知止念欲就閑伏願大而邊境之安寧以則親庭之強健掛冠得請庶無一簣之虧問舍有期永遂全家之樂

元旦襮災設醮青詞

洪覆至神實不期於報謝群生多故誠有賴於祈禳輒輸悃悞之私仰瀆高明之聽伏念某遭逢盛際蒙被餘恩賦形宇宙之中殆將四紀切祿江淮之上幾及二年雖身由盡於勤勞豈事舉無於過誤慮愆尤之浸廣恐譴責之陰加粵自元朝當脩於醮事及茲歲暮輒按於科文祇建壇場肅陳香火伏願上真保佑列聖扶持官路亨通無謗傷之橫至私門安燕絕災輿夏之潛生福遠親闈慶延子舍

為眾祈禳設醮青詞

林豈塵

天所助者順豈禍福之無門民至愚而神幸皈依之有路俯仰危悃仰瀆穹蒼伏念臣螻蟻微軀香火共社雖出作入息罔有不敬然仰事俯育非無少慙式憑玉匱之書上叩金門之聽伏願連豐比屋潛消無妄之災白叟黃童共獲大有之慶

為眾禳災設黃壇青詞

程子山

惟皇上帝子惠困窮今此下民寇攘姦宄蓋人為之不靜致天意之未回頽河洛之妖氛尚纏宸極眷岷峨之王氣幾暗胡塵駭大夏之將顛渺橫流而罔濟唯有剗心妙道託命至神人雖厭於亂離兵孰能去天如欲於平治虜不足誅爰協靈辰祇嚴闕館溯圓霄而溼懇衽閭闔以陳辟伏願降恩穆清淤觀昭曠排玉房而來狩率瑤圃以峻奔紛動羽旄俊臨壇壝宇觀少留於聰聽容畢整於精衷曾是更生嚙夙恩而莫報敢期終造徽後福以無它早建中興咸躋壽域

為眾禳災設醮青詞

熊子復

道蔭無方禱而必應天災有數修則可禳永惟建上之封實在閩中之部承去歲荒歉之後疫疾間興當入夏種蒔之初甘霖未降欲潛消於厄會用祇按於中科掖外臺春貢之堂企上界真游之

馭頭矜衆欲盡滌諸殃豈惟藩郡之蒙休亦俾漕臣之逃責

上元祈年青詞

春華有序肇見於初元道妙無方夙聞於善應輟常時之官燕為
闔郡之民祈被茲黃堂瞻彼紫極罄愚衷而上達企真馭以來臨
爰此是邦俾蒙諸福時和歲豐而有休嘉之氣家給人足而無愁
恨之聲主既寬憂吏亦逃責

為衆禳災設醮青詞

天維顯思誠故能格民亦勞止患庶可銷永言京峴之封實控江
畿之會緣暑雨之驟作致疫疾之存興是用被公字以齋心企真
遊而請命簡在上帝孚佑下民所欲必從願悉蠲於雷害自今以
始望更錫於豐登

為衆禳災設醮青詞

林 豈塵

臨下有赫妙造化以難名求福不回或至誠之能動輒輸悃悃仰
瀆高明伏念臣等試吏未優受才甚薄頃緣兩歲旱禍相仍爰步

今甚孽殃猶甚獄訟滋起怨謗橫生夢寐見於不祥官吏為之震
恐今福莫大於無禍敢恃祈禳而天雖高而聽卑度幾降格適值
先天之節敬陳淨醮之儀宣北斗七元之科慶中元四始之會伏
願叢霄洞鑒衆真護持閔茲窮谷之眈一洗如山之豐自今以始
堅陟降之小心俾熾而昌荷生成之大賜

為衆禳災設黃錄醮青詞

孫 仲益

道大弘濟物之功人窮罄籲天之禱自中原稔夷狄之禍而一方
纏蛇豕之妖劫火熾然彌滿萬里胡塵瀆洞連絡百蠻慟哭干霄
肝腦塗地積骸蔽野醜血流川走燐宵明遊魂晝哭風暴露靡一
杯之覆春秋莫魄無半菽之分念衆生曠劫嬰豐之深丁一時大
盜稱兵之衆貨財留戀骨肉牽聯淪溺愛河備嘗諸苦漂墮鬼國
無有出期是用仰紫極之真游集黃冠之勝侶琅函藥笈藏室弘
開絳節朱裳靈旂來下哀憐多罪拔出三塗金飯玉漿有求皆至
尻輿神馬無往不通破昏暗鎖而永離九地之幽乘道遙遊而共

祈安設醮青詞

陳德明

林林摠摠羣居照臨覆載之間擾擾匆匆相靡於是非得喪之域切慮愆尤之積敢忘禳謝之懷切念臣偏親六十餘合門數百指方厲行年之更始尚虞惡耀之來臨仰叩威靈大作悒悒之厦屋庶令竟歲常游駘蕩之春風

祈安設醮青詞

下民無知福禍隨機而感召高真善貸災祥每虞於祈禳俯竭丹衷仰干洪造切念某等邑居窮嶠俗習溥風雖無商賈之阜通粗有耕桑之飽煖知為善之最樂思防患於未然欲銷火盜疾疫之憂冀免水旱凶荒之變迺涓穀旦特啓醮筵虔命羽衣之流恭演琅函之典伏願齋誠上達僊馭下臨保茲春蠶蠶之生降此穰穰之福無苗無害三光全而寒暑平時雨時暘五穀熟而民人育

祈安設醮青詞

張正巳

隆天厚地共叨覆載之恩衰病殘年尤賴護持之力輒伸微懇仰扣洪鈞伏念臣山林故家韋布下士慕前世近古之學讀堯人不售之書雖無一時之顯功獨有三世之陰德事君以道期不負於初心行己盡誠念敢忘於先訓屬神州之倣擾當王室之難危頗思痛哭以獻言不料積憂而成疾志意搗落步武蹒跚謹按仙科恭延淨侶伏願高真降鑒列聖儲休不憑上醫盡去末疾唯鑒室之是戒庶嘯梁之無虞誦五千言益味於靈文誓二百指同依於至道

賽願設醮青詞

孫仲益

雲天溥博大庇羣生螻蟻么微上千鴻造伏念某紹興辛亥歲出守臨安府冥行妄發觸罪南遷仇怨滿前禍音不測投荒萬里未知稅駕老幼百口狼狽無歸僑寓馬跡一島之上而村舍庖煙上薄煬突久燥欲焚天誘其衷夜中驚爆應時救護得免燔執弟婦胡氏猶子強宗三被危疾救藥靡效賴天之祐得免餘息嬰兒壽

老免乳之疾母子陪危亦獲亡恙皆臣弟峴齋心啓許前後七筵
敢用昭告孀嫂劉氏頃緣幼女蚤逝願追福於後身侍妾鍾氏又
以老臣行年懼挺災於惡曜逮茲穀旦祇奉靈科虔誦秘文熏脩
菲薦誕推僊聖靡隔塵凡哀閔手足急難之情保全駒犢孤危之
命或伉儷之際若幽顯之間蠲除回祿之災消弭歲星之厄仰憑
帝力式副弘願俯輸危懇用伸報禮雖巍巍之大莫可管窺而區
區之誠庶幾芹獻洗心歸命稽首投誠誓畢餘生永依至道如貧
賤富貴壽夭之數固有定命不敢妄祈而水火盜賊疾厲之虞出
於非常尚冀嘉護

祈安設醮南嶽青詞

昊穹緬邈雖杳默而難謀螻蟻之微儻精誠之可格敢殫悃幅仰
瀆高明伏念臣賦質顛愚奮身寒苦頃塵要路叨位宗工補衮和
羹莫致將明之效敗材覆餗遽貽顛躓之憂身投遐方禍及弱息
一居謫籍四易年華每俯伏以籲天祈哀矜之逮下冀令危寤獲

遂安全神明所綏未淪於死所仁聖在上復許於生還祇荷寬恩
徙居便郡載趨聖境恭啟靈場維喬岳之名區實真仙之福地薄
展蘋蘩之薦罄陳肝膽之私尚冀聽卑終垂至佑蠲除宿孽敷錫
嘉祥使晚歲偷安無重嬰於災沴闔門蒙福長共保於安康庶合
含識之倫不失有生之樂

祈安設醮青詞

黃泰之

囿陰陽之域烏能無憂患之防叨覆載之恩何以表瞻依之素爰
披愚款仰扣高真忘其螻蟻之微薦以蘋蘩之潔惟一念之誠不
爽庶萬寶之監潛通悉蠲已往之愆益茂方來之祉雲車風馬肅
觀咫尺之臨福海壽山頌契百千之祝

祈安設醮青詞

劉忠肅

一氣清明體神而妙萬物三靈昭晰福善而降百祥顧衰暮之餘
年脫艱危於死地重蒙優詔易處近邦望館御之非遙念婦依之
有素恭仗蘋蘩之薦薄陳犬馬之私敢冀聽卑曲垂孚佑伏念臣

頃遊孤宦叨位宗工寵祿過分而易致於滿盈智識昏愚而浸嬰
於罪戾身投遠裔禍萃私門比獲生還實踰初望下同子舍旁及
天倫俱被上恩悉從內徙雖未離於謫籍知幸免於畏途尚祈洪
覆之兼容更冀大明之委昭載加矜惻終賜保綏使歸老丘園不
愆於微志貽休嗣續無隕於素風弭災沴於方來保歡康於晚歲

賽願設醮青詞

言念曩歲獲拜琳宮惕仰威靈祇布誠懇殆涉半世復尋舊游自
折疵賤之餘生久沐生成之大德猶干微祿未泯此身冀深謝於
積愆思必酬於前誓願已寒之門戶尚欲扶持慨將老之年齡或
堪龜勉敢憑洪造仍布夙心

禳災祈福設醮青詞

天道助順視聽近而自民至誠感神沐浴可以祀帝仰緣聰鑒冒
進忱私臣稟此微生陶于大化委形乾造已畏於盜天受祿聖衣
更虞於竊位毀譽是非之交至吉凶悔吝之由興曾是大憂業取之
小己順有生而炊累豈屬人謀付常序而居安實煩帝力

祈福懺罪設醮青詞

寵祿叨踰深荷國恩之厚室家燕喜仰蒙帝力之闕雖天地無責
報之心而嘖嘖有銜感之志輒洎穀旦躬造殊庭繙寶笈之成儀
會上真之感馭鞫躬請命稽首輸誠伏願精意昭升高穹降監凡
罪辜之既往咸許蠲除或功利之方來尚期積累介多祥於壽母
錫餘慶于詵孫惟孝與忠敢內欺於俯仰自頂至踵斷永託於生
成

禳災設醮青詞

乾高定矣以言乎位則尊卑之莫交日監在茲苟著其誠則影響
之斯格爰建迎年之醮敢伸事帝之虔公舍肅嚴法壇敬請伏念
臣機靈其淺德性弗充承教經之素風起如絨之孤緒浸煩帝力
久竊勢榮念無功於人知莫酬於覆燾惟不欺之志或可薦於神
明越自比年稍愆常序私門紛糾於多故外患起伏之不常僅歷

秋冬連鍾哀豐仲子奪於強仕季女逝於已行惕焉求端冥不知措蓋福過者災有時至道盈者天之所虧履變以兢悼心若隕恭念九清之上不遺一物之微以袪除愆尤爲仁以洗滌憂患爲德會歲元之更朔稽寶式以肆儀兢兢在心既自新於修省明明居上敢或怠於祈禳紫霄無聲景緯在望盡物乎外絜精于中伏願三境暨通列真臨聽撫有生之累一視以仁推大道之原曲成乎物錫安全之運於新曆蕩滯厄之會於故陰公私救寧族屬康靖使沐浴之惡獲永事於大神雖鷓鷯之微亦不顛於常分

襪災設醮青詞

覆善無私孰非陰騭精神有感固可潛通伏念臣久積罪愆日虞禍罰仰塵再造迄獲自新尚懼意雖至而未孚謹既深而荐及自春徂夏兼疾與憂加以洗垢之迹已形觸網之傷可畏矧微官之數免且舊德之浸衰歷敷哀籲之言敬冒蓋高之聽式祈陰佑遠宅安全止異殫災不敢傲福儻蒙緩死俾未墜於其衷何可謝生但願堅於名節

襪災設醮青詞

孫仲益

歸心大道託命至仁住世今八十二年聚族殆千五百扣天行代有每懷疾癘不測之憂世事多虞又懼水火非常之變輒伸舟懇仰扣天闕曲軫鴻私俯從人欲蠲除疾恙洗滌罪愆門戶清寧由園登稔養老慈幼有團樂之喜安居暇食無啼號之聲退省餘生實際大造雖乾坤之施義無所謝而豺獮之祭物有固然爰即家庭恭脩報禮固不敢以貪嗔癡僥求无妄之福乃所願者安平泰優游垂盡之齡

淨獄

淨獄設醮青詞

張之紀

造物至仁衆生迷貪嗔癡之業積惡所感終身陷殺盜淫之刑小者傷肌刻膚大則穴骨殞首孽由自作性至不移縱能悔禍愆創於一時復出爲惡係累於旋踵茲用抵法而不已雖得其情而可

矜眷此郾城號為劇邑民繁訟簡有太平淳朴之風歲稔刑清致盜賊弭寧之効以政和戊戌歲六月二十四日獄空謹按靈科上干洪造異高真之降格憫下土之窮呼拔罪拯憂益道迎於和氣洗心易慮使不犯於有司誓與群生永依大道

淨獄設醮青詞

李文老

國家間暇堯仁方徧於九垓囹圄空虛漢律遂收於百里幸道承宣之責實繫覆燾之功用昭謝於洪私庶導迎於和氣明謹而不留獄敢矜五聽之精糲藜必有豐年更賴三清之助

聖宋名賢五百家播芳大全文粹卷六十三

聖宋名賢五百家播芳大全文粹卷六十四

祈嗣

祈嗣設醮青詞

楊祐甫

大道善應無方躋之可求人欲必從有情性而不忒敢傾微烟上瀆高聰伏念臣竊啓童心顛蒙駑質雖翹於一氣譬蠕動之何如少也不祥早神傷於陟岵長而亡賴徒情恃於凱風以小善無益而莫為故定命靡謀而弗祐綵衣以養寧慰於母心筮簞空陳未遑於熊夢輒憑清侶仰叩負真庶通葵嚮之誠陰錫椒蕃之福伏望大鈞廣運洪造曲成肇舉添丁異共勤於農拒常樂有子永均賴於國風

催生保安設醮青詞

劉忠肅

大道無形莫求於聲臭至仁愛物善應於洪纖輒歎靈壇溼陳丹悃伏念臣本非元識幸齒最靈鷄彼林鷓願安於常分愚如芻狗但樂於至仁今臣之妻方身於此考夢祥之戒兆念寶典之有祈

序協嘉平迎厥誕彌之月朔維乙亥又其本命之辰并此吉時恭
陳清醮潔誠齋戒祗事夙宵瞻顙圓而若臨跂景緯之在望伏冀
上真孚佑列聖儲休拂其災害之虞錫以康寧之福虔祈寶鑑仰
瀆高靈

誕免穰謝設醮青詞

圓穹垂佑非求報於有生庶類蒙休合知歸於洪造輒輸愚悃仰
瀆高靈昨者以臣妻任氏夢祥戒期乳產協吉起居向背寧無奸
於陰陽食飲節宣固有觸於拘忌而既生育兩無疾災由列聖大
孚以仁使一物皆得其所輒齋誠於靖館伸報謝於洪私凡在生
成雖無物足以稱德苟能齋戒雖惡人可以事天更冀錫以壽康
為之終始

生子穰願設醮青詞

洪造無私仰荷生成之賜微誠曷報少伸感幸之悰伏念臣向因
弥月之辰嘗露禱天之請丹衷上達善願俯從居然就養之安坐
獲懸弧之吉悉蒙恩祐敢負初心虔修清淨之科進瀆高明之聽
伏願上穹降監列聖垂休從茲襁褓之男日增長茂更昇闈門之
集時遂康寧

誕免穰謝設醮青詞

大德曰生已協能罷之夢至誠無息敢傾蟻蟻之心比臨荐以懷
憂輒欲望雲而請命亟賴乾坤之孚佑肆令母子之驩康爰率
真科用酬丕貺以似以續幸家世之有傳難終難窮庶年齡之未
艾

禱病

為父穰災設醮青詞

王望之

愛敬盡於事親敢忘喜懼齊戒可以事帝惟務感通輒傾翼翼之
誠仰瀆高高之聽伏念臣父某高年耄矣衰髮皤然少違攝養之
方稍致虛羸之疾胃弱倦於食飲疥癢疲於抑搔敢應元命之辰
恭設上穹之供仰祈真聖俯鑒丹心病勿藥而遂瘳壽如山而益

固誓崇至道永答諸恩

為母保安設醮青詞

赫赫在上無聲臭之能通款款之愚有精誠而可格敢冒雷霆之
譴冀申駒犢之情伏念臣久真周行上依洪造一門受祿恩逮旒
旒六歲守邊効無毫髮幸啓居之良便獲溫清之不違屬當擊斂
之初間多耄艾之感用深怵惕懼失平和敢消時日之良具致潢
汙之薦被除各悔招致吉祥伏願上帝博臨衆真昭格錫以康娛
之應蠲其約結之勞天地至仁豈棄指於螻蟻母子為善當傳付
於子孫

為母禳災設醮青詞

欲壽其親實人心之至願无私於物仰天監之弗違畢竭精誠懇
祈孚佑伏念臣母封邑某氏嘗嬰疾疹備極憂虞雖諧藥石之功
尚有夙宵之懼蓋慮曩愆未弭陰罰猶深恭啓淨筵仰干洪造願
錫康寧之福偕登耆耋之年均逮家庭悉仰壽祉

為母禱病設醮青詞

林 豈塵

天道難謀莫測高明之妙母氏聖善或庸疾痛之伸輒露丹衷仰
干洪造伏念臣少孤多蹇備侍烏依僅忝一官之微方詣三金之
養而母妾張氏比緣往臘偶跌殘軀迨今延七八月之間而脉有
五六至之數往來寒熱喘急浮虛雖藥石以交攻矧桑榆之已暮
念下堂而傷足行或使之惟反本以呼天勢莫急此適值旁於奉
命用嚴按於真科伏願何禍不消勿藥有喜百拜手以為壽固人
子之至情一跬步而不敢忘仰真功之密護

為母禱病設醮青詞

犬馬有養乃往聖之格言螻蟻輸誠賴皇天之昭鑒輒伸危懇仰
瀆蓋高伏念臣母永壽縣太君王氏克配先臣肇興衰緒衣被三
百指勤勞六十年有造家之大功無持身之小失偶嬰疾疹及歷
歲時浸至疋言輒實深憂懼此蓋子孫稔惡門戶匪昌降殃乃及於
老親誅罰不加於小己是用籲天引咎伏地祈哀載潔清壇恭延

開士伏願上真垂祐列聖降衷察慈母之平生感孤臣之末路沉痾頓去亟收勿藥之功盡室何為惟結省愆之誓

為夫禱病設醮青詞

宣化承流或蹈陰陽之患赦過宥罪願回天地之心若時良人尤職下邑欲更新於百弊宜積怨於一身西館斧斤冒方隅而罔測東垣版築臨歲序以奚逃加之五命九星偶此三刑六厄接春夏而猶搜衝已亥以仍災藥石滿前曾莫施於人力雲霓在望當曲借於神威會習是而知非庶轉禍而為福一洗腹心之苦肆令膚革之充既安既寧永壽期於千載有懽有性仰道蔭於九霄

為男禱病生日設醮青詞

作善而降之祥事固關於天道不誠而未有動理亦繫於人心輒瀝丹衷仰干洪覆伏念臣男具官某年方齠貫寵冒簪裳近拙衛生旋致陰陽之爽未全勿藥實深父子之情是用歸命絳霄投誠黃宅恪取誕生之日躬陳醮謝之儀遵琅函瓊笈之科觀鳳馬雲車之會虔祈降鑒早迪吉康壽縣三素之靈至氣暢七絳之靈俯殫精意固備寫於翹勤仰觀圓清頓默垂於孚佑

為女禱病設醮青詞

天地之德常均覆載之仁父母之心不勝駒犢之愛敢瀝殫於懇悃以冒瀆於蒼穹臣資之進修積多憂患歷年于此疾幾徧於一門涉春以來病復侵於長女悵藥石之弗効懼膏肓之已深與其委命於巫醫不若求哀於仙聖肆式羽衣之典冀延風馭之臨伏願上帝垂恩諸真降鑒念其稚齒素勤孝悌之修愍此沉痾賜以痊安之應當共期於頂踵庶仰謝於生成

為女禱病設醮青詞

穹然上儀蠢爾大類天人之際固遠而莫交影響所通有誠而可格祇伏清場之次虔敷丹款之詞伏念臣稟此微生陶乎大化冒國恩於中外繇帝力之生成而臣之第二女趙氏婦佺爰自舊年偶嬰內疾陰陽之升降或失其序脾肺之逆順不相為和氣液轉

乎中形色變乎外乍退而復進謂有而若無殆及歲暮未收藥喜
意其運蹇之有會選或者星宮之所加臨空復懼心莫能致力夫
惟物一失所則造化以為病人有不得則號呼以及天謹稽式於
科文用歸誠於禳謝伏望上真孚德列聖協仁被其无妄之災錫
以降康之祐庶獲安於常序仰無累於大鈞

禱病東嶽設醮青詞

表儀四鎮孰尊喬岳之靈臨長百神爰有天孫之貴廓洪慈而溥
施惟精禱以咸孚伏念某頃自抄秋浸嬰微疾恐尤違之斯積致
譴責之攸加或歷數之將衰慮年齡之不永省躬自刻敢少怠於
忱恂降福惟新實仰憑於陰騭是用被除庭宇遵按科儀延飈馭
於紫清整悃誠於丹素伏願真靈孚佑慈寶鑒臨崇降嘉祥滌除
灾厲誓竭精純之守仰酬洪覆之恩

禱病保安青詞

人大患為有自豈免并毗之寇天盖高敢不踴用斬孚佑之仁輒
羞蕙蒸蘭藉之儀式延風馬雲車之馭望九閭而稽首罄十念以
陳詞伏念臣早服微官晚叨內職七年去國敢妄意於功名五月
養痾猶未蠲於藥石今則患纏若足脉滯三經雖不爽於良行然
猶愆於逸步或謂風淫未解或云氣滯弗宣嬰病者日異於十全
理疾者猶持於兩可具用輒據州懇仰扣高真伏祈覆載之慈特
昇康寧之福齋戒以事帝既殫精意之誠忱痛疾則呼天盖出人
情之迫切

禱病設醮青詞

昊穹杳邈無遠不周蠖蟻賤微在誠可格仰叩昭昭之鑒俯陳款
款之愚伏念臣起自孤寒擢居侍從冒寵靈之已過輸績効以無
聞雖夙寤宵興期臻利益然任重道遠懼積愆尤而況護絕塞者
五六年統屬城者十一郡政刑寬猛儻或失中囹圄重輕未能無
誤茲獲神明之譴用招疾恙之侵雖曲荷於哀憐已頓諧於痊愈
尚餘纖末未復故常敢稽首以叩閭誓洗心而改過伏願上真旁

燭諸聖博臨大回日月之光深愍駒犢之病赫其罪矣賜以美瘳
溝壑未填儻尚依於覆載頂踵何忘願少謝於生成

禱病設醮青詞

應天以實敢陳文過之詞小智自私輒露貪生之請仰惟乾坤之
大造俯鑒螻蟻之微誠伏念某生而顛愚幼多罪戾驕奢自恣猖
狂妄行爰自無始以來養成莫大之患皆緣貪嗔癡之宿習造為
殺淫盜而不知罪釁所鍾疾疢斯作喘滿害於飲食支離幾廢起
居恐遂沉綿莫知圖救捫心自省難追既往之愆嚙指銜哀覬許
自新之路輒憑道侶恭演真科精意默通高真垂祐願賜再生之
澤早臻勿藥之期誓畢此生歸依大道

謝安設醮青詞

天道助順方丕佐於私門人情喜安敢獨忘於隆施靜惟一介久
去四明庭闈時奉於好音闔壺日從於燕處誕均百福旁暨群兒
雖大化靈庸曾莫知其所謝而至誠能動或可藉以為辭恭對蘭
場恪羞蘋薦庶竭歸依之力用酬覆育之恩室家臻臻已無憂於
日暮吉祥止止當不變於初終

謝安設醮青詞

苟有明信雖微物足以薦神惟能潔誠故惡人可與事帝幽顯之
際影響昭然道固無私理則有感凡具生知之類咸資覆育之恩
蓋如父祖之用心均欲子孫之得所借陳危艱仰扣至真願憐迫
切之愚秉曲賜聰明之鑒照伏念臣稟生陋劣受性顛蒙道不可
違而豈能無違道之愆情不可任而間亦有任情之失詩書夙好
居雖勵於修為覆育照臨恐未逃乎愧怍往歲辛卯公檄彭門偶
調護之失宜致寒熱之交戰鑿師措手藥物呈能坐集百憂尚誓
小愈乃呼天而請命繼決臆以陳辭夫何溥博之洪鈞不忍細微
之告病高其母而下其耳遽沐降康甘其食而安其居適臻勿藥
靜念神明之所昇豈容僥倖以及斯得道死亡唯知感戴欲具蘋
蘩之禮適丁苦塊之艱本懼觸於尊威致未伸於薦獻即此慢易

重成罪尤苟察其中之無他猶冀上天之必赦今者恭按科儀嚴
列供張庶効消塵之報式殫犬馬之誠茗碗薰爐在凡情而無息
雲車風馬希帝澤以來臨於茫茫惚恍之間望欣欣樂康之應各
潛掃蕩災絕侵陵生存獲壽命之長死歿拔幽陰之苦凡此私禱
深瀆高穹

謝安設醮青詞

黃泰之

承流宣化敢忘撫字之勤耗慮疲精是致節宣之爽密祈陰騭用
迪吉康稽顙知歸溼衷有請伏念臣滿柳易衰之質樗櫟無用之
材茲小試以臨民實見憐於造物憂虞悔吝不免閑愁之入心扶
持全安果使沉痾之去體甫臨書考復忝召恩謾輸蟻聚之再三
未報鴻私之萬一輒憑清醮用薦微誠仰冀高真俯垂昭鑒爰自
復陽之始益開泰道之亨居厭海邊幸脫跡瘡雨蠻煙之外恩隆
天上遂託身春風和氣之中

禱病設醮青詞

林岵塵

禍淫福善於昭天鑒之明禱復考祥莫匪已求之自敢殫誠赤上
達貞清伏念臣樸學罔庸頽齡侵逼昨自留都而瀝請獲歸故里
以養安荷君上之大恩未知稱塞取朝廷之公器已極叨逾繇盈
溢之生災果陰陽之致寇食衰恃粥曾何尚飯之能足不良行且
有既微之腫望扶持全安之賜歸包含徧覆之仁是用薰被恍秉
歸投洪造伏望三清昭格列聖溥臨虧除愆尤敷錫祉福疾瘳有
喜庶幾勿藥以遂廖老無能為更冀及年而得謝

禱病設醮青詞

三年于此愧無補於承流百堵皆興念有心於革故偶當二黑七
赤之次重詒五臟六腑之憂茲養洩兼旬寒漱達旦氣獨升而不降
萬苦填胸日疾已却而復來眾醫拱手迺決疑於象數亟歸命於穹
蒼蓋去弊必欲從權既往不咎而誤心初非為已雖悔可追肆嚴
禳禱之科一救繕營之失方習是知非而有請宜赦過宥罪以無
私神之格斯窳共安於冥漢天其或者將遂畀以壽康誓勤犬馬

之餘生圖報乾坤之大賜

禱病設醮青詞

疾痛呼天本九人之常態齋戒事帝實先民之格言既可微辭敢忘重謝伏念臣先乘一障近控二邊多以鬼稱殆非人境暴風發屋毒霧瘴山有三百性命之憂無二千石仕官之樂陰祈拯護默賜感通灾疾既平終更以理冲科恭閱寶席夙薰尚欲微恩未知報德伏願大神昭鑒眾宰溥臨祐此凋年敷之羨福當益持於晚節用少荅於殊休

謝保安設醮青詞

陳丞相

監觀四方天蓋垂於顯道齊明盛服人必効於敬心臣冒寵清時得閑暮景滿盈是戒敢忘止足之恩疾疢易生每幸康寧之保皆化工之攸庇豈繇力之可酬適屆初春虔脩羞供伏願上元校錄均庶稟以承休投老年齡與闔門而無恙

禳時災

禳火災設醮青詞

謫居高安行將再歲杜門自省日懼禍災乃者火焚閭閻勢極熾猛風從北來正趨館舍治任挈族未知所適而風回火轉幸免焚蕪向非神祇明察憐閔困窮則雖免灰燼之虞必有狼狽之患敢陳菲供少荅靈應伏願沈滌宿殃稍垂慶祐

禳星變設醮青詞

晁崇福

惟天佑聖昭垂儆戒之文惟聖畏天克盡嚴恭之實交脩庶政祇飭清躬固已式叶於帝心方且仰回於星馭仍欽明命載歎殊庭嚴寶登壇之上儀倏騰靈之丕鑿叶成休氣敷暢皇家外暨多方咸浸厚祿

禳水災設醮青詞

靜專動直示禍福以無私陰慘陽舒斡災祥於莫測輒整修禳禱祠之理用回生殖長養之心乃眷淮壖猥當江澣適屆九秋之候遂傷三日之霖百川交流一月不息平時闡闡半為魚鱉之淵樂

歲田疇盡作舟航之地方巢窟而茹歎宜蘋薦以祈哀謹扣丹霄
恭投血懇既動紫宸之視聽亟祛綠水之波瀾千室以寧豈獨道
承宣之貴一方懷惠又兼明覆燾之恩惟帝矜憐鑒人歸命

穰水災設醮青詞

萬物比目係於天五行初一曰水流不軌道害欲沉堤非人力所能
枝梧繫神造爲之主宰式敷誠懇仰叩昭明伏念臣職在河防分
先士卒惟賦才之甚下固用智之不先載顧狂瀾遽有漂山之勢
雖殫狂力渺無由地之期豈徒深曠職之憂殆且有墊溺之懼仰
祈陰佑俾即安流沉芻不搖浮梁益固息譴訶於厥職省勞費於
攸司

祈水退設醮青詞

天不私於愛物人無告則呼天比者雨潦既瀦川流暴溢鶴鳴于
垤未瞻杲日之光城復于隍幾有襄陵之患命且危於晨暮力已
困於捍防敢謁真官仰祈元聖惟冀其精意矜此下民詔風伯
以驅雲遣波神而洩水復變桑麻之野不爲魚鼈之隣永賴生成
敢忘歸報

祈雨 謝雨

祈雨設醮青詞

張參政

木饑水旱雖關其數之推移金簡玉書能極含生之疾苦輒披危
惻仰瀆高靈伏念臣叨領帥藩未周歲律幸茲偷之昇跡期閭里
之莫居脫死之民力耕者無幾垂成之稼計日而望收自夏至秋
不雨踰月飄風震蕩雲欲族而還開烈日炎威泉有源而亦涸嘉
穀焦槁而就盡老農顛號而莫聞富室已閉糴而幸災米商亦騰
價而射利將成赤地難逃饑饉之憂且懼綠林復起推埋之慕由
臣非才假守無德及人刑政或恐干陰陽之和精誠無以格幽明
之祐靡伸不舉徒自竭於愚衷謂天盖高終必從於人欲是用即
僊聖飛昇之故地巖高直館御之殊庭崇建淨筵宣揚秘笈伏願
靈符鑒頤亟穰阜眩之威膏澤誕敷曲借雨師之力沛然霑足蔚

矣昭蘇收薄稔於桑榆豈云小補救餘生於溝壑永戴鴻恩

祈雨設醮青詞

鶴鳴九臯上雲霄之不聞蟻居大澤知陰雨之方來蓋動蠕之條舒皆範圍於覆載民之苛瘠帝實矜憐伏以八卦位而四時成六氣和而万物得因其材而篤焉則易為力非其時而望之則無見功敢殫祗後之心儻動昭回之鑒維是民社介乎江山以陂澤為家以稻稔為命仰口而哺者蓋且十萬塗足而耘者逮其博藝夏方用事而養禾土則溽暑而不雨失此幾會且為饑凶走百神以告哀蒙小惠而未濟是用洗心虛寂戒日吉蠲款帝閭之崇高請民命於溝壑惟天地實民父母忍赤子之渴飢雖山川能出風雲必有司於號令恭惟成說萬德照知四方頌哀下土之黔垓北鴻鈞之造錫予膏澤躋登豐年重念賤微一介之目典司百里之命傾投五體瞻望紫宸無任祈天俟聖激切依歸之至

祈雨設醮青詞

祈雨設醮青詞

陳安行

天垂覆幬本溥愛於民生民有戚休必歸心於天造俯同衆志仰冒聰聞伏念臣所領州僉期有歲方陰陽之順叙亦禾稼之登成適此兼旬苦於不雨寬刑已責殫力盡心曾未至於霽霽蓋不勝於憂恒載洎公宇抵歲醮筵念田閭渴望之深賴影響感通之速伏望鑒茲懇款齊以休嘉勅下九關霽作尾鴻之澤惠流千里迄臻豐稔之祥嘉與斯人永懷大賜

祈雨設醮青詞

晁子西

為政不善善於時和自夏以來再以前告固知上天不宜屢瀆每念荒年實有可憂豈惟轉車人徒之傷連無以素饑亦恐父子兄弟之離散不能為邦領憫夏畦久勞而未償無使秋稼垂成而或敗歲則大熟民可小康

祈雨設醮青詞

林豈塵

農心閔雨深懷失業之憂吏職承流敢悼責躬之請俯輸悃悞仰

瀆高明伏念葦爾甫城瀕乎海嶠地狹半涵於瘠鹵人稠惟事於
耕耘儻田疇之不收則溝壑之立至梅蒸失潤秧插已枯嗽嗽既
嘆於如焚慄慄實深於若撻謹延真馭敬集靈塲豈能出力以為
人且務齋心而謝過伏願乾坤隆鑒畢月爭輝雨澤應期願解龜
文之拆秋成有望可占魚夢之祥

祈雨設醮青詞

十日之雨久愆時若之期八口之家行失西成之望禱群祠而精
神未格諒百神之譴怒未休吏雖無良宜獨當於災咎民亦何罪
俾重困於凶荒惟昊天有育物之仁惟上帝好生之德若不籲
號而瀝懇易致鑒觀而俯從敢因舊儀祇薦誠悃伏惟元功不宰
至道無私用昭善應之休以救如焚之勢作為甘澍潤澤嘉生周
寰宇以廓清霈田疇而霑足下全民命載釋吏憂天地交而萬物
通已除凶歲寒暑節而五穀熟侂報豐年

祈雨設醮青詞

民之貧困未有甚於此時田無斂收則使餓於我土惟天眷佑以
時雨暘乃自是月以來遂致膏澤不下田畝之苗莫立隄闕之水
未通今者部封惕焉憂懼儻三日之不雨必百穀之無秋如此閔
閔農夫丕降汝罪告于皇天后帝寧丁我躬叩嗟以祈隕越于下

祈雨設醮青詞

歲事至重惟天實為民食不豐際吏之咎仰瀆穹高之聽敢陳懇
請之辭伏念流行之膏雖云代有太甚之旱亦或可推臣等泣官
於茲奉職弗謹唯恐失政不能致和故使四境之間至於連月不
雨懼有槁苗之患莫救嘉穀之傷深憂如薰彌祀不效是用輒遵
道教恭設科儀伏願享此忱誠鑒其瞻仰錫以霽霽之澤助夫稼
穡之成若乃亦有秋是為農夫之慶則何以卒歲不起小民之咨
如此微臣實受厚福

祈雨設醮青詞

雲霄高遠聽無卑而不聞螻蟻細微心有誠之可格眷茲州境連

屬歲荒萬口嗷嗷慮深填壑三農閔閔志切望霓雖群祀之徧修
尚甘澤之未應仰憑道力恭叩天闈伏願上帝垂仁諸天降鑒震
雷出令盡興久蟄之龍破塊流恩一洗將枯之麥

謝雨并祈穀青詞

熊子復

早當七八月之間比殫虔禱雨既三五日以往仰荷靈休有開必
先無德不報庸即琳霄之宇聿遵瓊簡之科恭設淨壇企延靈馭
爰念黍苗之未實尚憂螟螣之爲災民所欲天必從願畢垂於乎
佑今以始歲其有度荐格於豐穰

謝晴青詞

九月築圃方欣南畝之歸三日爲霖或作西成之害天不言而善
應民所欲而必從暄暄其陰蠢爾一時之孽杲杲出日驩然百里
之和帝意何私人心易感謹輸丹悃上瀆紫霄神之格思仰九霄
而難報物其多矣庶萬庾以咸登

祈雪

祈雪設醮青詞

天施地生既莫知於所報旱乾水溢尚未免於有求敢緣覆載之
恩用竭吁嗟之懇惟趙之北自冬以來雲欲族而遽收雪嘗降而
未溼雖偏走群祀之衆曾莫肯聞而仰叫高穹之嚴美不得已伏
願上清降鑒諸聖感通號令川嶽之靈奮起龍蛇之蟄沛爲嘗聞
澤此焦枯冀蒙父母之慈不違螻蟻之願

祈雪設醮青詞

上帝降觀善於救物下民靡告危則呼天此者時雪旣愆宿麥將
稿吏雖不德人亦何辜敢瀝丹衷上祈真聖願施一尺之澤俯紆
千里之憂益整齋虔少酬蒙覆

祈雪并禳火設醮青詞

高天在上故無棄人至誠如神可與事帝比者時方卒歲陽反代
陰水不堅疑木多燥槁牟麥已播未霑爲瑞之滋綆在相望每有
救焚之恐敢伸醮設共整懇祈庶有感而必通將轉禍以爲福伏

願三清覆佑列聖監觀膏澤應平曲其年榮感循於常次揚燦不作
無徙薪曲突之勞盈尺既優遂飽食逸居之樂共荷生成之賜不
忘歸報之勤

追薦

薦父九幽設醮青詞

無父何怙可勝痛割之情謂天盖高俯聽忱恻之懇幽明雖異祈
服則均伏念臣亡父某人弗享遐齡倏歸冥路居諸云邁追悼何
窮於其得疾之時嘗有祈衷之請謂天官赦罪時適際於中元而
人子愛親心敢忘於一念薄陳清醮少答高穹及除疇昔之尤或
在超生之域禱祭實受其福願竭誠心死者不可復生姑償夙願

薦父九幽設醮青詞

高穹冥漠惟誠意可以潛通滯魄幽沉仗慈光為之下照顧茲懇
切敢不歸投伏念臣亡父某向佛精勤奉直龜勉叨蒙仙錄願享
遐齡何其得疾之弗廖遽歎養親之不待雙輪易邁三七俯臨輒

伸哀悼之誠用薦幽冥之地惟願九天原赦承拔亡超度之恩五
苦停酸享自在逍遙之樂

薦父百日設醮青詞

年始及笄預十有家之願生何報德俄虧陟岵之瞻踏地靡圖
籲天敢告伏念臣亡父某慈祥賦性朴直謀生豈云无妄之災輒
有不虞之禍醫徒屢試雖百藥以无功夢則先知蓋十年而以驗
固死生之有命在幼稚以何堪適當弗反之旬爰起悼亡之感尚
期大造俯格微誠憐人子答親之心曲垂昭鑒赦先父既往之咎
俾脫沉淪

薦母設醮開壇青詞

枕塊寢苦方深念母披肝瀝膽敢不籲天願憑不宰之功少度無
邊之苦伏念臣母自從無始爰及有生於身三口四之中造人百
已千之業奄歸長夜恐滯幽津重惟後嗣之積愆大懼往年之無
路儻非道禱孰洗罪根乃脩靈寶無上之齋庸冀昊天罔極之德

伏願三清上聖曲垂救過之恩十極高真同賜度生之力速招滯
魄使濟法橋此界他方解百生之冤結人門天上還一念之本真
皆與含靈同歸道岸

薦母設醮散壇青詞

囂塵湫隘肅陳擁霧之壇惚恍希雲若觀排空之馭願人寰之甚
濁諒天衆之難淹函芟散音真遊返旆念蘋藻蒸蕙藻之獻雖或致
虔而香火瓜華之間尚多弗敬祈欲赦罪尤賴降衷願捨過以錄
功惟濟生而度死速引慈親之去識徑上三天少酬人子之孝思
未沒九地

薦母設醮青詞

日往月來倏爾再暮之及肝枯腸裂莫名方寸之誠敢求天上之
玄靈庶薦九幽之滯魄是宜延羽衣於麻室開寶軸於琅函聿修
黃籙之宜用竭丹心之懇祈聰明之俯聽冀風馬之來臨伏念臣
此其棄館宿生不覺遷延歲月而孤子其舍恩報德當求薦拔津
和之寶薰薰九天之隱韻邀迎瓊駕俯耳蘭羞極拔一靈俾超諸
趣玉京金闕步八景之雲霞圓嶠方壺住三山之樓觀

薦妻賽願設醮青詞

句曲名山隱茅君之鵠馭崇禧珍館棲玉帝之龍輶輒瀝丹衷仰
干洪造伏念臣妻某氏蚤依道陰夙慕真筭未屆中年遽淪長夜
嘗禱仙壇之秘許修寶籙之儀今者特啓淨筵庶酬初願經誦琳
臺之札香騰金獸之煙栢簡授符其童童傳信所期滌除罪垢升濟
神明罷對三官名默消於異簿超生七映竟速度於朱陵

薦拔設醮開壇青詞

天高高而在上覆既無私道蕩蕩以難名應宜有應輒持精一仰
格清明况凡懇之是求增哀情而愈切今則醮壇嚴設公宇肅恭
風颺感往之悲香滌剖誠之潔敢仗羽衣之侶上扣帝閭庶延仙
從之車下垂法席天人相際存沒有干伏願迂龍鸞其歲聖之軒俾
令快觀歌蘋藻至微之禮得遂勤依

薦拔設醮散壇青詞

嚴潔奉天知致齋之惟謹質明行事慮繼燭之不恭省己未安歷誠再瀆伏念臣因悼亡之無益謂許帝之可求尤懼乖違反招譴怒適丁罷散罄竭卑衷願聖鑒之海容盡捐細故當仙車之雲歟廣賜哀憐俾亡室王氏寃上徹於天庭魂速登於仙界群哀有許同躰無悲但居螻蟻之微永念立山之賜

薦拔設醮青詞

死生有定子不能為其親私窮苦方深天尚或從於人欲輒傾哀訴仰瀆高明伏念臣久稔愆尤荐罹憂患疇昔趨庭之訓已失先傳中年陟岵之思復違志養禍一至此痛將奚堪斬然縗絰之中非敢愛死惟是蒸嘗之事尚忍偷生聊憑拯拔之儀少致劬勞之慕洪惟高鑒普濟迷途赦既往以惟新願除罪苦盡未來而不作一洗業根

卜葬還願青詞

百身何贖痛喘罔極之哀再世有歸陰賴至仁之相敬陳謝札少畢愚衷伏念臣不孝之罪上通於天宵來之禍駭聞于世十年縗經四壁几筵雖隕滅而尤皆亦哀號而僅屬扶持忍死甯勉送終當因宅兆之多疑輒叩昊穹而請命神明降鑒龜筮協從聿修大事之襄敢効初心之報伏願照臨有赫覆載无私旁燭幽都等先靈於藥國橫流惠澤回生意於寒根誓罄餘齡仰酬洪造

林火黃設醮青詞

哀深悼父懇迫號天永惟劬勞之親生尚示慈惠之性區區捐已汲汲振貧躬行而莫矜其能厚施而未食其報嗟呼不孝之罪大致此嚴誅之亟來子職莫修俾遂棄終身之養君恩雖重不及汗再命之榮閱歲月之奔馳俄周祥而適至念非歸依至真之大道何以少報罔極之深恩爰仗羽衣式遵慈爰敢冀妙力以通於幽明庶幾恩封旣間於生死何勝慕義之痛輒犯蕭斧之威方伏塊苦如臨水谷

薦夫設醮青詞

衆生苦惱沉淪未免於三塗大道恢洪救拔普同於一切欲悼亡而莫及期薦往而有由疾首痛心神魄墮越呼天叩地涕泗滂沱輒傾丹素之誠爰告紫金之闕伏念臣妾夫以湮選調曷究宏途五十方謂富貴之年妻妾未敢棄去一日忽嬰跖蹻之疾砭礪施之罔功胡露既晞悲風徒切扶靈輻而欲去恐旅魄之弗招忽託夢於同僚祈追脩於上果用伸嬰慕式仗聖慈塵醫永消靈明獨耀蠲除拘滯啓无遮无得之道塲超度往來傳長樂長安之真境尚期魂識俯鑒忱誠

薦夫設醮青詞

中元紀節鉞垂宥過之文寶席躬薰少盡酬恩之意悵旣虧於彤影思升濟於神明伏念臣妾亡夫某蚤出寒鄉偶通朝籍奄辟昭代不享遐齡垂年之老母可悲別宗之繼子不振重服即吉餘哀尚斯僅存未忘之人敢効從死之九可追導罔憚薦修夢若平生言猶有負特延開士恭按冲科伏願至監所臨微誠不隔綠章旣徹黑簿盡除果三天之秘可通盡九地之幽必照度冥福之有助竭危懇以甚哀

薦弟還願青詞

天地之恩螻蟻之微何報兄弟之義手足之愛所鍾仰瞻咫尺之威俯罄再三之瀆冀垂哀閱以鑒愚衷伏念某始自幼年恭承嚴訓一門十口同產三人教以詩書安於病賤布衣革履糲食藜藿相與終身今猶在耳已乃觀兄蚤没得借峴弟俱存爰自青衿以至白首中緣際會過冒寵榮嶺海竄流骨肉阻絕旋蒙解網獲遂首丘誓言躬耕不復求仕釶於是無一日不從歌於斯哭於斯蓋二紀于此云何不淑奄棄而先念其忍死之言固嘗有夙昔未償之願迨此臥疴之日亦屢申吁嗟歸命之求用是汛掃家庭延登道侶悉從治命不爽初心高誦靈篇躬羞淨供望三清而稽首仰列聖以馳誠懼其多生身口意之間慮有一切貪嗔癡之

罪念此急難之情至切矣俾從逍遙之樂以超然一死一生已抱終天之恨三熏三沐敢忘伏地之祈

薦男醮九幽青詞

黃泰之

七情顛倒沉冥利害之途一念皈依度脫死生之境爰披誠懇仰扣高真伏念某次男某愚不知方學未聞道心猿氣馬不禁奔馳飄瓦虛舟無情擊觸冤冤未解業疑三世之通種種俱融醮仗九幽之設肅延羽屬密案玄科以清淨緣破昏迷障頓令去魄隨符簡以超升更保全家與歲時而開泰